


特1
1717

映
入



国立国会図書館 タイトル『祕傳花鏡6巻』 請求記号 特1-1717

ガラス使用

秘傳花鏡

秘傳花鏡卷之三目次

花木類攷

松

梓

梅

山茶

結香

櫻桃

杏花

栢

牡丹

蠟梅

瑞香

迎春花

玉蘭

丁香



花鏡

卷三目次

一

捺

特1
1717

花鏡

卷三

辛夷

杜鵑

桃花

附譜

金絲桃

夾竹桃

李花

梨花

木瓜

棠梨

郁李

貼梗海棠

西府海棠

垂絲海棠

林擒

奈

文官果

山楂

山躑躅

粉團花

八仙花

紫荊花

金雀花

山礬花

桑

佛桑花

南天竹

合歡花

漆

柿

柳

楊

檉柳

橘

附枳

橙

金柑

香櫟

花鏡

卷三 目次

二

佛手柑

檳榔

虎刺

蜜蒙花

平地木

梔子花

石榴

火石榴

棟

棗

椿 附 檇

楓

楮

梧桐

楊梅

橄欖

荔枝 附 譜

龍眼

黃楊木

柳

椒

茱萸

銀杏

胡桃

六月雪

茶

枳椇

槐

紫薇

白菱

木槿

桂

皂莢

櫻欄

紅豆樹

無花果

柏

枇杷

栗

榛

榧

木蘭

茶梅花

天仙果

古度子

攀枝花

柏

石楠

鐵樹

冬青

榆


花鏡圖



花鏡

卷三


梅



瑞香



結香



櫻桃



臘梅




山茶



玉蘭



杏




花李



桃絲金




丁香



辛夷



梨



桃竹夾



鶻杜



桃




文官花



西府海棠



郁李



木瓜



山楂



林檎



貼梗海棠




棠梨



花鏡

卷三


三



桑



花雀金



荆紫



躑躅



桑佛



礬山



八仙花



團粉




橘



柳



漆



南天燭



楊



檉柳



柿



合歡



橙



手佛




棟



椽



檳榔



刺虎



海紅豆



蜜蒙花



平地木




石榴



梔子花



榆



黄楊



棗



椿



楓



楮



梅楊



荔枝



椰

梧桐



欖橄



龍眼



椒



茱萸



桃胡



棋



紫薇



杏銀




茗



槐



桂



無花果



角皂



菱白



槿木



蘭木



榧



椴櫚



栗





柏



子度古



楠石



花枝攀



梅茶



榛



果仙天




杷枇

花鏡

卷三

三



鐵樹



青冬



秘傳花鏡卷之三

西湖花隱陳湜子訂輯

花木類攷

是編乃綠墅名園所必需。主人好花而不善
 植者。所當細閱也。然詳圃而畧農。非棄本以
 趨末。五穀簡而草木繁。若不細審其性情。分
 辨其宜忌。則萬卉千葩。安望其色之妍。香之
 濃。葉之肥。實之美耶。今以不傳之秘。公之同
 人。則世無不生之花矣。


辨作別

松

松為百木之長。諸山中皆有之。兩鬣三鬣而細者。常
 松也。五鬣六鬣為一朵葉者。剔牙。栝子松也。濶瓣厚
 葉者。羅漢松也。其質礫砢。修聳多節。永年皮粗如龍
 鱗。葉細如馬鬣。遇霜雪而不凋。歷千年而不殞。其花
 色黃而多香。但有粉而無瓣。實似猪心。壘成鱗砌。秋
 老則子長。鱗裂。味最甘香可口。滇南子色黑。遼東子色黃。千歲松
 產於天目。武功。黃山。高不滿二三尺。性喜燥。背陰生
 深巖石塌上。永不見肥。故歲久不大。可作天然盆玩。
 又有赤松。白松。鹿尾松之異。惟剔牙松皮青而嫩。稍
 傷其皮。則脂易溜。須以火鐵燙止。用糞泥密封。方不
 洩氣。凡欲松偃蓋。必截去松之大根。惟留四旁根鬚。
 則無不偃蓋矣。種法。於春分前。浸子十日。治畦下糞。
 漫撒畦內。如種菜法。其苗自生。一切花木皆貴少壯。
 獨松柏梅等。世人多貴蒼老古勁。歲久松能化石。脂
 能成珀。如有兔絲。則根下有茯苓。為仙家服食之
 藥。其花亦可作粉食。

皮青木倒

栢



柏一名蒼官一名掬與松齊壽有扁柏檜柏黃柏櫻
 塔柏之異惟扁柏為貴故園林多植之因其葉側向
 而生又名側柏其味微澁而甘香道人多採作服食
 用點茶湯諸木向陽柏獨西指其性堅緻有脂而香
 故古人破為暢白用以擣鬱三月開細瑣花不甚可
 觀結實成球狀如小鈴霜後四裂中含數子大如麥
 粒亦自芬香仁亦道家所服食者檜柏體堅難長亦
 難萎黃木聳直而皮薄肌細葉至冬更青翠櫻塔柏
 枝葉俱垂下宜裁庭際皆無花有子峨嵋山有竹葉
 柏身者名竹柏稟堅凝之質不與群卉同凋其小者
 止一二尺可作盆玩又乾陵有柏木之文理大者多
 為菩薩雲氣人物鳥獸狀態分明徑尺一株可值萬
 錢柏性喜晒每年中用晒過糞水澆三四次則色鮮
 潤秋時剪小枝二三尺者插肥地亦活或收子至二
 三月間用水淘取沉者着濕地隔兩日再淘候芽出
 將馴熟地成畦以子勻撒其中覆以細土二三日一
 澆苗出土後須圍以短籬防蝦蟇所食


出將恐倒

梓

梓。一名木王。林中有梓樹。諸木皆內拱。葉似梧桐。差小而無岐。春開紫白花如帽。極其爛熳。生莢細如箸。長尺許。冬底葉落。莢猶在樹。種法。秋末冬初。取莢曝乾播種。一年薈之。二年方可移植。或交春斷其根。瘞於土。亦能發條。其葉飼豕最肥。

牡丹

牡丹為花中之王。北地最多。花有五色。千葉重樓之異。以黃紫者為最。自歐陽修作記後。人皆烘傳其名。遂有牡丹譜。今取其一百三十一種。詳釋於後。其性宜涼。畏熱喜燥。惡濕。根窠樂得新土。則茂懼烈風。酷日。須栽高。廠向陽之所。則花大而色妍。移植在八月。社前。或秋分後。皆可。根下宿土少留。切勿掘斷細根。每種過。先將白歛末一斤。拌勻新土內。因其根甜多。引土蠶蟻。蠶蟲故用白歛殺之。再以小麥數十粒撒下。然後坐花於上。以土覆滿。復將牡丹提與地平。使其根直。則易活。不可踏實。隨以天落水。或河水灌之。子類母丁香而黑。六月收置向風處。晾一日。以瓦盆拌濕土盛之。至八月中。取其下水即沉者。而畦種之。待其春芽長大。五六



段

月以葦箔遮。日夜則露之。至次年便可移種矣。然結子畦種。不若根上生苗。分植之便。其接換亦在秋社前後。將種活五年以上小牡丹。去地留一二寸。將利刀斜削去一半。再以佳種旺條截一段。斜削去一半。上留二三眼。貼於小樹上。合如一木。以麻縛定。用濕泥抹其縛處。兩瓦合之。內填細土。待來春驚蟄後。出瓦與土。隨以草薦圍之。未有不活者。其花愈接愈勻。昔張茂卿接牡丹於椿樹之上。每開則登樓宴賞。至今稱之。夏月灌溉必清晨或初更。必候地涼方可澆。

八九月五七日一澆。十月十一月三四日一澆。十二月地凍止。可用猪糞壅之。春分後便不可澆肥。直至花放後。畧用輕肥。六月尤忌澆。澆則損根。來年無花。花未放時。去其瘦莖。謂之打剝。花將放。必用高幕遮。日則花耐久。開殘即剪。勿令結子。留子則來年不盛。冬至日以鍾乳粉和硫黃少許。置根下有益。如枝梗蟲蛀。當尋其蛀眼。用硫黃或塞。或熏。或用杉木作針。釘之。自斃。性畏麝香。桐油。生漆氣。旁宜植逼麝草。如無。即種大蒜。葱。韭。亦可。不使亂草侵土。并熱手撫摩。

若折枝插瓶先燒斷處。鎔蠟封之。可貯數日不萎。或用蜜養更妙。花謝後蜜仍可如將萎者剪去下截用竹架起。投水缸中浸一宿復鮮一法。以白朮末放根下。諸般花色悉帶腰金。若北方地厚。雖無肥糞。即油糞肥壅之亦盛。不可一例論也。但忌犬糞。八月十五是牡丹生日。洛下名園有植牡丹數千本者。每歲盛開。主人輒置酒延賞。若遇風日晴和。花忽盤旋翔舞。香馥異常。此乃花神至也。主人必起具酒脯。羅拜花前。移時始定。歲以為常。

附牡丹釋名 共一百三十一種

正黃色 計十一品

御衣黃

千葉似黃葵

姚黃

千葉樓子。姚崇家

淡鶯黃

平頭。初黃後漸白

禁院黃

千葉起樓子

甘草黃

單葉。深黃色

愛雲黃

大瓣。平頭宜重肥

黃氣毬

瓣圓轉淡黃

金帶腰

腰間色深黃

女真黃

千葉而香濃。喜陰

太平樓閣

千葉高樓

蜜嬌

本如檉葉。尖長。花五瓣。蜜蠟色。中有蕊根。檀心

大紅色 計十八品

錦袍紅

即潛溪緋。千葉

狀元紅

千葉樓子。喜陰

朱砂紅

日照如猩血。喜陰

舞青猊

中吐五青。辨

石榴紅

千葉樓子。喜陽

九蕊珍珠

紅葉上有白點如珠

漸一作淺

跌

君平芳譜
作西瓜穰

花鏡

卷三

六

醉胭脂

千葉莖長頭垂

西瓜穰

內深紅邊漸淡

錦繡球

葉微小千瓣圓轉

羊血紅

千葉平頭易開

碎剪絨

葉尖多缺如剪

金線紅

平頭金線上

七寶冠

千葉樓千難開

映日紅

千葉細瓣喜陽

石家紅

平頭千葉不甚緊

鶴頂紅

千葉中千葉紅

王家紅

千葉樓尖微曲

小葉大紅

頭小葉多難開

桃紅色

計二十七品

蓮蓋紅

有青跌三重

西番頭

千葉難開宜陰

壽安紅

平頭細葉黃心宜陽

添色紅

初白漸紅後深

鳳頭紅

花高大中特起

大葉桃紅

潤瓣樓千宜陰

梅紅

千葉平頭深紅色

西子紅

千葉圓花宜陰

舞青霓

千葉心此五青瓣

西瓜紅

胎紅而長宜陽

美人紅

千葉軟條樓千

嬌紅樓臺

千葉重樓宜陰

海天霞

千頭花大如盤

輕羅紅

千葉而薄

皺葉紅

葉圓有皺紋宜陰

陳州紅

千葉以地得名

殿春芳

晚開有樓子

花紅綉毬

細瓣而圓花

四面鏡

有旋瓣四面花

醉仙桃

外白內紅宜陰

出莖桃紅

莖長有尺許

翠紅粧

起樓難開宜陰

嬌紅

似魏紅而

韞紅

單葉紅花梢

罌粟紅

單葉皆倒暈

魏家紅

千葉肉紅

畧有粉梢

粉紅色

計二十四品

觀音面

千葉花紫宜陽

粉西施

淡中微有紅暈

玉兔天香

中二瓣如兔耳

玉樓春

千葉多兩盛開

素鸞嬌

千葉樓千宜陰

醉楊妃

千葉平頭最畏烈日

粉霞紅

千葉大平頭

倒暈檀心

外紅心白

水紅毬

千葉外白內紅如毬

三學士 係三頭 合歡嬌 一蒂雙 醉春容 似醉西施

紅玉盤 平頭邊 玉芙蓉 成樹則 鶴翎紅 千葉細長

西天香 開早初 回回粉 細瓣外 瑪瑙盤 千葉淡紅

雲葉紅 瓣層次 滿園春 清明時 瑞露蟬 花中抽碧

墨羅 中心瑣碎 一捻紅 青日貴妃勻面 脂在手 偶

甲紅痕至今 稱以爲異 印花上 來年花生 皆有指

紫色 計二十六品

朝天紫 金紫如 腰金紫 腰間圍 金花狀元 微紫葉

紫重樓 千葉樓 葛巾紫 圓正富 紫雲芳 千葉花中

紫羅袍 千葉瓣 丁香紫 樓子 茄花紫 千葉樓深

瑞香紫 淺紫大 舞青猊 千葉有 駝褐紫 大瓣色似

紫姑仙 大瓣樓 烟籠紫 千葉淺 潛溪緋 叢中特出

紫金盃 千葉深 紫繡毬 卽魏紫也 千瓣樓子

檀心紫 中有深 葉底紫 似墨紫花 在叢中 旁必生

潑墨紫 深紫色 鹿胎紫 千葉紫 瓣上有白點

魏家紫 千葉大花 平頭紫 卽左紫也 千葉花大

乾道紫 色稍淡 紫玉 千葉白 瓣中有深

錦圍緣 其幹亂生 成叢葉 齊小而短 厚花

花鏡

卷三 牡丹

花史左編羣 芳譜並作駝 褐表

群芳譜作 儒脂在手 印群

稍

綠



白色 計二十二品

玉天仙 多葉白 慶天香 千葉粉 玉重樓 千葉高樓

線邊白 辦邊有 蜜嬌姿 初開微 萬卷書 即玉玲瓏

銀粧點 千葉樓 水晶毬 瓣圓俱 玉剪裁 平頭葉邊

白青貌 中有五 蓮香白 平頭花 伏家白 以姓得名

鳳尾白 中有長 玉盤盃 多葉大 玉版白 單葉細長

鶴翎白 多葉而 金絲白 瓣上 羊脂玉 千葉樓子

青心白 千葉青 玉碗白 單葉大 平頭白 花大尺許

一百五 辦長多葉黃蓋檀心花最大

青色 計三品

佛頭青 一名歐碧群花 綠蝴蝶 一名萼綠華千

鴨蛋青 花色如蛋

牡丹花之五色燦爛其形其色其態度變幻原莫可名狀後之命名亦隨人之喜好約數百種然而雷同者亦不少茲存一百三十種尚有疑似處望博雅裁之

梅

梅一名栴一名蓀葉實花俱似杏差小而花獨優於

齒傷酸
曰酸

香昔范石湖有梅譜約九十餘種。大底一花二三名者多。今特取其山林常有而人所常植者二十種。詳釋於後。梅本出於羅浮庾嶺。喜暖故也。而古梅多著於吳下。吳興西湖會稽四明等處。每多百年老幹。其枝樛曲萬狀。蒼蘚鱗皴。封滿花身。且有苔鬚垂於枝間。長寸許。風至綠絲飄動。其樹枝四陰。週遭可羅坐數十人。好事者多載酒賞之。蓋梅為天下尤物。無論智愚賢不肖。莫不慕其香韻。而稱其清高。故名園古刹。取橫斜疎瘦。與老幹枯株。以為點綴。早梅冬至前。即開。晚梅春分時始放。如多植則相繼而開。最久性潔喜晒。澆以塘水則茂。肥多生蠹。但結實微酸。而酸之功用甚廣。人多取焉。食若畏酸。同韶粉嚼。則味不酸。而牙不軟。或以胡桃肉解酸。音楚

附梅花釋名

共二十一種

諸色梅

綠萼梅

凡梅附蒂皆綠。紫此獨純綠。

重葉梅

花頭甚豐。千葉。開如小白蓮。

玉蝶梅

花頭大而微紅。色甚妍可愛。

冠城梅

單葉者實大。五月熟。千葉者實少。

消梅

即江梅花。與冠城相似。實微甘而脆。

照水梅

花開朵朵向。下而香濃。亦梅中奇品。

鴛鴦梅

重葉。數層紅艷。輕盈。一蒂雙實。

黃香梅

一名湘梅。花小而瓣微黃。香尤烈。

品字梅

一花結三實。但其實小。不堪啖。

紅梅

千葉。實少。來自閩州。有福州紅。潭州紅。名

杏梅

花色淡紅。實扁而斑。其味似杏。

墨梅

此係練樹所接。江梅而花成淡墨色者。

麗枝梅

花繁而蒂紫。但結實不甚大。

冰梅

實生葉罅。而不花色如冰。王無核。合自融。

鶴頂梅

花如常梅。惟實大而紅。

冬梅

結實甚小。十月可用。不能熟。

九英梅

此花為自來天。杜子美所賞。鑿

朱梅

較之于葉紅梅。色更深而艷。

江梅

白花。檀心。紫蒂。王荆公稱為花御史。

臺閣梅

花開後。心中復有小蕊。再放出。

榔梅

出均州太和山。相傳真武折梅枝。揮榔樹上。誓曰。吾道若成。花開果結。後榔果開。梅結實。至今尚在。五龍宮北。

蠟梅

蠟梅。俗作臘。

一名黃梅。本非梅類。因其與梅同放。其香

又相近。色似蜜蠟。且臘月開。故有是名。樹不甚大。而枝叢。葉如桃。濶而厚。有磬口。荷花。狗英。三種。惟圓瓣深黃。形似白梅。雖盛開如半含者。名磬口。最為世珍。若瓶供一枝。香可盈室。狗英亦香。而形色不及。近日圓瓣者。皆如荷花。而微有尖。僅免狗英者。皆由用狗英接換故也。若以子出。不經接過者。花小而香淡。其品最下。實如垂鈴。夏熟採取。試水沉者。種之多。生產

荆襄者為上。今南浙亦盛。其本宜過枝。不宜接換。

山茶

山茶一名曼陀羅。樹高者一二丈。低者二三尺。枝幹交加。葉似木樨。潤厚而尖長。面深綠。光滑。背淺綠。經冬不凋。以葉類茶。故得茶名。花之名色甚多。姑列於後。其開最久。自十月開至二月方歇。性喜陰燥。不宜大肥。春間臘月皆可移栽。四季花寄枝。宜用本體。黃花香寄枝。宜用茶體。若用山茶體。花仍紅色。白花寄枝同上。磬口花。鬯口花。宜子種。以單葉接千葉。則枝盛而樹久。以冬青接。十不活一二。

附山茶釋名 共十九種

諸色茶花

瑪瑙茶

產溫州。紅黃白。粉為心。大紅盤。

鶴頂紅

大紅蓮瓣。中心塞滿。如鶴頂。出雲南。

寶珠茶

千葉攢簇。殷紅。若丹砂。出蘇杭。

焦萼白寶珠

似寶珠。蓋白。九月開。甚香。

楊妃茶

單葉。花開最早。桃紅色。

正宮粉

賽宮粉

花皆粉紅色。

石榴茶

中有碎花。

梅榴茶

青蒂而小花。

真珠茶

淡紅色。

菜榴茶

有類山躑躅。

躑躅茶

色深紅。如杜鵑。

串珠茶

亦粉紅。

磬口茶

花瓣皆圓轉。

茉莉茶

色純白。一名白菱。開久而繁。亦畏寒。

海 鵬

花鏡

卷三 山茶

十二

一捻紅 白瓣有紅點 照殿紅 葉大而紅 晚山茶 二月方開

南山茶 出廣州葉薄有毛實大如拳

瑞香

木
瑞香一名蓬萊花。有紫白紅三色。本不甚高。而枝幹極婆娑。隔年發莖。蓓蘖於葉頂。立春後即開。花紫如丁香者。其香更濃。葉邊有黃暈者。名金邊瑞香。又有似楊梅葉者。或球子者。攀枝者。其性喜陰耐寒。然又惡濕。婦女多喜扞帶。不宜糞澆。惟用浣衣垢水。或燻猪湯澆。或壅人頭垢。則茂。芒種時。剪取嫩條。破開放大麥一粒。用亂髮纏之。插入土中。根旁壅好。勿令見日。以垢水澆之一云。左手折花。隨即扞掉。勿換手種。無有不活。其根甚甜。多藏蚯蚓。必須以法去之。又名麝囊。能損花。宜另植。

結香

結香俗名黃瑞香。幹葉皆似瑞香。而枝甚柔韌。可結。結花色鶯黃。比瑞香差長。亦與瑞香同時放。但花落後始生葉。而香大不如。

迎春花

迎春花一名腰金帶叢生高數尺方莖厚葉開最早
 交春卽放淡黃花形如瑞香不結實對節生小枝一
 枝三葉候花放時移栽肥土或巖石上或盆中而柔
 條散垂花綴枝頭實繁且韻分栽宜於二月中旬須
 用燐性水澆方茂

櫻桃

櫻桃一名楔又有荆桃含桃謂烏崖蜜蠟櫻色皆黃
 英赤色麥英數名此木得正陽之氣故實先諸果而熟
 禮薦宗廟亦取其先出也本不甚高而多蔭春初開

顆

白花繁英如雪其香如蜜葉圓有尖邊如細齒結子
 一枝數十顆有朱紫蠟三色又有千葉者其實少但
 果紅熟時必須守護否則為鳥雀白頭公所食無遺
 也枝節間有根鬚垂下者二月間取栽於肥土中常
 以糞澆之卽活若陽地種者還種陽地陰地種者還
 種陰地則樹易盛而實多又性宜堅實陰地不可用
 糞實熟時當張葦箔以護風雨一經雨打則蟲自內
 生人莫之見須用水浸良久候蟲出方可食

玉蘭

玉蘭古名木蘭出於馬跡山。紫府觀者佳。今南浙亦
廣有。樹高大而堅。花開九瓣。碧白色如蓮。心紫綠而
香。絕無柔條。隆冬結蕾。一幹一花。皆着木末。必俟花
落後。葉從蒂中抽出。在未放時。多澆糞水。則花大而
香濃。但忌水浸。與木筆並植。秋後接換甚便。其瓣擇
洗精潔。拖麪麻油煎食。極佳。或蜜浸亦可。其製法與
牡丹瓣同。

杏花

杏花有二種。單瓣與千瓣。劔州山有千葉杏花。先紅
後白。但嬌麗而不香。樹高大而根生最淺。須以大石
壓根。則花易盛。而結實始繁。其核可種。而仁不堪食。
其可食者。係關西巴旦杏。一云實小而肉薄。核內仁
獨甘美。點茶上品。梅杏黃而帶酢。沙杏甘而有沙。木
杏扁而青黃。奈杏青而微黃。又一種金杏。圓大如梨。
深黃若金橘。每種將核帶肉埋於糞土中。任其長大。
來年須移栽。若不移過。則實小味苦。又不可栽密。密
則難長少實。昔李冠卿家有杏花。多不實。一媒姥見
而笑曰。來春與嫁此杏。冬至忽攜一樽酒過云。婚家

撞門酒也。索處子紅裙繫樹。祝曰。青陽司令。庶彙惟新。木德屬仁。更旺於春。森森柯幹。簇簇繁陰。我今嫁汝。萬億子孫。明年結子果多。相傳為韻事。

丁香


丁香一名百結。葉似茉莉。花有紫白二種。初春開花。細小似丁香。蓓蕾而生於枝抄。其瓣柔色紫。清香襲人。接分俱可。但畏濕而不宜大肥。

辛夷

辛夷一名木筆。一名望春。較玉蘭樹差小。葉類柿而長。隔年發。蓋有毛。儼若筆尖。花開似蓮。外紫內白。花落葉出而無實。別名侯桃。俗呼猪心花。又有紅似杜鵑者。俗呼為石薔。其本可接玉蘭。亦宜斫條扦插。可同玉蘭並植。至秋後過枝即生。皆可變為玉蘭。多澆糞水。則花大而香濃。人多取蓋合香。

杜鵑

杜鵑一名紅躑躅。樹不高大。重瓣紅花。極其爛漫。每於杜鵑啼時盛開。故有是名。先花後葉。出自蜀中者。佳。花有十數層。紅艷比他處者更甚。性最喜陰而惡



肥每早以河水澆。置之樹陰之下。則葉青翠可觀。亦有黃白二色者。春鵝亦有長丈餘者。須種以山黃泥。澆以羊糞水方茂。若用映山紅接者。花不甚佳。切忌糞水。宜豆汁澆。

桃

桃爲五木之精。能制百鬼。乃仙品也。隨處有之。枝幹扶疎。葉狹而長。二月開花。有紅白粉紅深紅之殊。他如單瓣大紅。千瓣粉紅。千瓣白之變。爛縵芳菲。其色甚媚。花最易植。木少則花盛。實甘。子繁。性早實。三年便結子。六七年卽老。結子便細。十年後多枯。其皮最緊。若四年後。用刀自樹本豎剗其皮。至生枝處。使膠盡出。則皮不脹不死。多有數年之活。傳云千歲桃。豈尋常之物。惟仙家稱之。究竟桃無久壽。而種類甚多。詳載於後。種法。取佳種熟桃。連肉埋糞地中。尖頭向上。覆熟肥土尺餘。至春發生。帶土移栽。別地則旺。若仍在糞地。則實小而苦。凡種桃淺則出。深則不生。故其根淺不耐久。近得所傳云。於初結實次年。斫去其樹。復生又斫。又生。但覺生風卽斫。令復長。則其根入

地深。而盤結自固。百年猶結實如初。又桃實太繁則多墜。於社日春根下土。石壓其枝。則不落。桃子若生蟲。以煮猪首淡汁。冷澆之。自無。如生蚜蟲。以多年竹燈挂懸樹稍間。則蟲自落。

附桃花釋名

共二十四品

諸色桃

日月桃

其種一枝有二。花或紅或白。

崑崙桃

一名王母桃。出洛中。表裡皆赤。冬熟。

巨核桃

霜下始花。大暑方熟。出常山。

瑞仙桃

花最稠密。其色則深紅。

人面桃

花粉紅。千葉少。實。又名美人桃。

毛桃

爾雅名禿桃。小而多毛。核亦劣。不甚。

緋桃

自藉桃花如剪絨。比諸種開遲。色艷。

金桃

出太原。形長。色黃。以柿接之。遂成金色。

鴛鴦桃

千葉深紅。開最晚。結實必雙。

銀桃

單葉。實圓。色青白。肉不粘核。六月中熟。

李桃

單葉。深紅。花實圓。色青。肉不粘核。

雪桃

即十月桃。花紅。形圓。色青。肉粘核。味甘酸。

水蜜桃

出上海。顧氏家。其味甜如蜜。

油桃

有赤斑點。光如塗油。出波斯。國形扁而肉。

新羅桃

單葉。紅花。其子可食。性獨熱。

扁桃

出波斯。國形扁而肉。核如盒。味甘。在仁。

雷震紅

雷雨過。輒見一紅暈。更為難得。

鷹嘴桃

花紅。實。在六月熟。有尖如鷹嘴狀。

餅子桃

單葉。紅花。實狀如香餅。味甘。

墨桃

亦異種。難得者。單葉。紅花。結實至熟時。其色如胭脂。

白碧桃

單葉。千葉二種。惟單葉結實繁。

胭脂桃

單葉。紅花。結實至熟時。其色如胭脂。

壽星桃

樹矮。而花千葉。實大。可作盆玩。

羊桃

出自福州。其實五瓣。色青黃。

金絲桃

金絲桃一名桃金娘。出桂林郡。花似桃而大。其色更
頰中莖純紫。心吐黃鬚。舖散花外。儼若金絲。八九月
實熟。青紺若牛乳狀。其味甘。可入藥用。如分種當從
根下劈開。仍以土覆之。至來年移植便活。

夾竹桃

夾竹桃本名枸那。自嶺南來。夏間開淡紅花。五瓣長
筒微尖。一朵約數十萼。至秋深猶有之。因其花似桃。
葉似竹。故得是名。非真桃也。性惡濕而畏寒。十月中
卽宜置向陽處。以避霜雪。最喜者肥。不可缺壅。冬進
和暖日。微以水潤之。但水多則恐冰凍而死。分法在
季春。以大竹管韜於枝節間。用肥土填貯。朝夕不失
水。久之根生。截下另植。遂可得種矣。今人於五六月
間。以此花配茉莉。婦女簪髻。嬌裊可挹。

李花

李樹大者有一二丈。性較桃則耐久。可活三十餘年。
老枝雖枯。子亦不細。花白小而繁。多開如雪。其實名
不一。有木李。青宵。御黃。均亭。夫人。皮青肉紅皆李之上品。

也。紫粉。小青。白李。杏李。馬肝。牛心。扁縫。鼠精。朱李。熊

李。似肥黏乃李之下品也。又麥李紅而甜。麥秀即至結

實有離核。合核。無核之異。俗傳種桃宜密。種李宜稀。

其分根種接之法。皆與桃同。故不贅。但培壅宜猪糞。

不可用糞。如少實。於元旦五更。將火把四面照看。謂

之稼李。當年便生。若以挑接。則生子紅而甘。

梨花

梨。一名果宗。一名玉乳。處處有之。其木堅實。高有二

三丈。枝葉扶疎。似杏而微厚。大二月開花。六出似李

花。稍大有紅白二色。香不香之別。上巳日無風則結

實必佳。其果名不一。有紫花梨。細葉梨。芳梨。小青梨。

大胸山梨。大谷梨。張公梨。夏熟禦兒梨。韓梨。蜜梨。甘棠

梨。鵝梨。皮薄漿多而香秋白梨。紅消梨。出蕭縣太師梨。乳梨。出

城皮厚稻稍梨。菴羅梨。捧搥梨。因其形似香水梨。出北地


歷沙梨。楹梓梨。鳳棲梨。綿梨。水梨。最赤梨。鹿梨。葉如

實小出山紫梨。花以秋日開紅色以上諸品。或形色。或香味

種種不同。每顆生十餘子。種之惟一。二生梨。餘皆生

杜。植法。用最熟大梨。全埋經年。至來春生芽。次年分

稍



栽之多著肥水及冬葉落附地刈殺之以炭火燒頭二年即開花接法在春秋二分時用桑本或棠梨或杜接過其實必大史記云淮北柴南河濟之間家植千樹梨其人與千戶侯等又夷陵山中多紅梨花且有千葉者時司馬溫公會作詩贊之昔梁緒於花開時折花簪多壓損帽簷至頭不能舉人為美談

木瓜

木瓜一名楸一名鐵脚梨獨蘭亭宣城者為最樹高丈餘葉厚而光狀如海棠及奈春深未發葉先有花其色深紅微帶白實大如瓜小者如拳皮黃似著粉香最幽甜而津潤有鼻者木瓜無鼻而濇者木李比木瓜小而酢澁者木桃惟木瓜香而可食宣州人種滿山谷每實將成好事者鏤紙花粘瓜上夜露日照漸變紅花色矣其文如生本州用充土貢名為花木瓜樹可以子種亦可接壓在秋社前後移栽者較春栽更盛耳畏日喜肥更宜犬糞其直枝可作杖謂老人策之利筋脈實可浸酒或蜜漬為果亦佳蜜漬法先切去皮煮令極熟多換水浸使拔去酸澁之味然

後用生蜜熬成煎。將木瓜晾乾投於蜜瓶中藏之。經久不壞。而香馥猶存。昔天台山石罅有木瓜一株。花時一巨蛇盤其上。至實落供大士後乃去。號為護聖瓜。

棠梨

鉅恐鋸

棠一名棠棣。卽棠梨也。樹如梨而小。葉似蒼木。亦有圓者。三叉者。邊有鉅齒。色黧白。二月開小白花。實如小棟子。生青熟紅。亦有黃白者。土人呼為山查果。味酸而澁。採之入藥。或製為糖食。取花日乾。瀹之亦可克蔬。若以此接換梨。或林檎與西府海棠氣質極

其一作共

其相宜

郁李

又一作一

郁李一名棠棣。又名夫移。喜梅。俗呼為壽李。樹高不過五六尺。枝葉似李而小。實若櫻桃而赤。味酸甜可食。其花反而後合。有赤白粉紅三色。單葉者子多。千葉者花如紙剪簇成。色最嬌艷。而上承下覆。繁縟可觀。似有親愛之義。故以喻兄弟。周公昔賦棠棣。卽此性潔喜暝。春間宜栽高燥處。澆以清水。不用大肥。仁

可入藥。

貼梗海棠

海棠有數種。貼梗其一也。叢生單葉。綴枝作花。唇口深紅。無香。不結子。新正即開。但取其花早而艷。不及西府之嬌媚動人。二月間于根傍開一小溝。攀花着地。以肥土壅之。自能生根。來冬截斷。春半便可移栽。其樹最難大。故人多植作盆玩。近法皆不用壓。直於根上分栽。而分必須正月中澆。性不喜肥。頗畏寒。宜避霜雪。亦有四季花者。

西府海棠

西府海棠一名海紅。樹高一二丈。其木堅而多節。核密而條暢。葉有類杜。二月開花五出。初如胭脂點點。然及開則漸成纈。暈明霞。落則有若宿粧淡粉。蒂長寸餘。淡紫色。或三萼五萼成叢。心中有紫鬚。其香甚清烈。至秋實大如櫻桃而微酸。宜種壚壤膏沃之地。如花謝後結子。即當剪去。則來年花盛而葉遲可愛。若以棠梨接之。即活。又一種黃海棠。葉微圓而色青。初放鶯黃色。盛開便淺紅矣。

垂絲海棠

海棠之有垂絲非異類也。蓋由櫻桃樹接之而成者。故花梗細長似櫻桃。其瓣叢密而色嬌媚。重英向下。有若小蓮。微遜西府一等耳。世謂海棠無香。而蜀之潼川昌州海棠獨香。不可一例論也。接法詳十八法內

林檎

林檎一名來禽。因其能來衆鳥於林一名冷金丹。即奈之類也。

二月開粉紅花。似西府。但花六出。實則圓而味甘。非若奈之實。長而味稍苦。果之香甜可口。五月中熟者。

蜜林檎為第一。金林檎以花為重。唐高宗時李謹得

五色林檎以貢。有金紅水蜜黑五色之異帝悅。賜謹為文林郎。因

名為文林郎果。但此木非接不結。多以柰樹搏接之。

其法與接梨同。臘月可將嫩條移栽。若樹生毛蟲。理

蠶蛾於樹下。或澆魚腥水可除。好事者以枝頭向陽

好實。於未熟時剪紙為花。貼於其上。待紅熟時。猶若

花木瓜樣。入盤飮可愛。又四月收林檎一百。內取二

十枚槌碎。入水同煎。候冷。納瓮中浸之。密封其口。久

留愈佳。

奈

奈一名頻婆。係梵音猶言端好也。江南雖有而北地最多。與林檎同類。有白赤青三色。白為素奈。涼州有大如兔頭者。赤為丹奈。青為綠奈。皆夏熟。涼州又有一種冬奈。十月方熟。子帶碧色。又上林苑有紫奈。大如升。核紫花青。其汁如漆。著衣便不可浣。名脂衣奈。此皆異種也。西土奈多。家家收切。曝乾為脯。數十百斛。以為蓄積。謂之頻婆糧。

土作方

文官果

鉅恐銀

文官果產於北地。樹高丈餘。皮粗多礫。木理甚細。葉似榆而尖長。周圍鉅齒紋深。春開小白花。成穗。每瓣中微凹。有細紅筋貫之。蒂下有小青托。花落結實。大者如拳。一實中數隔間。以白膜。仁與馬櫛榔無二。裹以白軟皮。大如指頂。去皮而食其仁。甚清美。如每日常澆。或雨水多。則實成者多。若遇旱年。則實批小而無成矣。


山楂

山楂一名茅楂。樹高數尺。葉似香薷。二月開白花。結

花鏡

卷三 文官 楂

三十五



實有赤黃白三色。肥者如小林檜。小者如指頂。九月乃熟。味似榧子而微酢。多生於山原茅林中。猴鼠喜食。小兒以此為戲果。

山躑躅

山躑躅。俗名映山紅。類杜鵑花而稍大。單瓣色淡。若生滿山頭。其年必豐稔。人競採之。亦有紅紫二色。紅者取汁可染物。以羊糞為肥。若欲移植家園。須以本土壅始活。

粉團花

粉團一名繡球。樹皮體皺。葉青而微黑。有大小二種。麻葉小花。一蒂而眾花攢聚。圓白如流蘊。初青後白。儼然一毬。其花邊有紫暈者為最。俗以大者為粉團。小者為繡毬。園中有一種紅繡球。但與粉團之名不相侔耳。蘇毬海桐俱可接繡毬。

八仙花

八仙花即繡球之類也。因其一蒂八葢。簇成一朵。故名八仙。其花白瓣薄而不香。蜀中紫繡球即八仙花。如欲過貼。將八仙移就粉團樹畔。經年性定。離根七

八寸許。如法貼縛水澆。至十月。候皮生截斷。次年開花必盛。昔日瓊花。至元時已朽。後人遂將八仙花補之。亦八仙之幸也。

紫荊花


紫荊花。一名滿條紅花。叢生深紫色。一簇數朶。細碎而無瓣。發無常處。或生本身。或附根枝。二月盡即開。柔絲相繫。故枝動朶朶嬌顫。若不勝。花謝後葉出。光緊微圓。根旁生枝。可以分種。性喜肥畏濕。若與棗棠並植。金紫相映而開。更覺可人。冬取其莢種肥地。交春即生。昔臨潼田真兄弟分居。復合荊枯再榮。勿謂草木無情也。

金雀花

金雀花。枝柯似迎春。葉如槐而有小刺。仲春開黃花。其形尖而旁開兩瓣。勢如飛雀。可愛。乘花放時。取根上有鬚者。栽陰處即活。用鹽湯焯乾。可作茶供。

山礬花

山礬花。一名芸香。一名鄭花。多生江浙諸山。葉如冬青。生不對節。凌冬不凋。三月着白花。細小而繁。不甚



八寸許。如法貼縛水澆。至十月。候皮生截斷。次年開花必盛。昔日瓊花。至元時已朽。後人遂將八仙花補之。亦八仙之幸也。

紫荊花

紫荊花。一名滿條紅花。叢生深紫色。一簇數朶。細碎而無。二月盡即開。

柔絲

緊微

並直

草木

金雀

金雀花 ムシスツメ

其形尖而旁開兩瓣。勢如飛雀。可愛。乘花放時。取根

上有鬚者。栽陰處即活。用鹽湯焯乾。可作茶供。

山碧花

山碧花。一名芸香。一名鄭花。多生江浙諸山。葉如冬青。生不對節。凌冬不凋。三月着白花。細小而繁。不甚

花鏡

卷三 金雀山碧

二十七

春開黃花。

肥地。交

石與棗棠

夜葉出光

二月盡即開


可觀而香馥最遠。故俗名七里香。北人呼為瑒花。其子熟則可食。土人採其葉以染黃。不借礬力而自成色。故名山礬。二月中可以壓條。分栽。採寘髮中。久而益香。放床席下。去蚤虱。置書帙間。辟蠹魚。

桑

桑之功用甚大。原非玩好之木。此獨不遺者。以存圃中之本務也。其種類稍異。白桑葉大如掌而厚。雞桑葉細而薄。子桑先樾後葉。山桑葉尖而長。女桑樹小而條長。壓桑材中弓弩絲。中琴瑟。槐桑似赤棘。以子種者。不若壓條之易大。若以構椽。則葉大根下埋。甲則茂盛不蛀。又桑生黃衣。謂之金桑。其木必稿。葉專飼蠶。一歲三採更盛。一云。蝗之所至無葉不食。獨不食桑。亦造物之靈也。壓桑條宜燥土。則根易生。

佛桑花

佛桑一名扶桑。枝葉類桑。與槿。花色殷紅。似芍藥。差小而輕柔。過之。開當春末秋初。五色婀娜。可愛。有深紅粉紅黃白青色數種。并單葉重葉之異。今北地亦有之。皆自南方移植者。但易凍死。逢冬須密藏之。



南天竹

南天竹一作一名大椿。吳楚山中甚多。樹高三五尺。

歲久亦有長至丈者。但不易得耳。糯者矮而多子。粳者高不結實。葉似苦楝而小。經冬不凋。實幹敷枝。三四月間開細白花。結子成簇。至冬漸紅如丹砂。雪中甚是可愛。亦可製食。其性喜陰而惡濕。用山黃泥種。背陰處自茂。不宜澆糞。但用肥土。或鞋底泥壅之。若澆只宜冷茶。或臭酒糟水。退雞鷺毛水。最妙。人多植庭除間。不特供玩好。尤能辟火災。若秋後髡其幹。留取孤根。俟春生後。遂長條肄而結子。則本低矮而實紅。可作盆中冬景。

合歡花

合歡。一名蠲忿。生益州。及近京雍洛間。樹似梧桐。枝甚柔弱。葉類槐。莢細而繁。每夜枝必互相交結。來朝一遇風吹即自解散。了不牽綴。故稱夜合。又名合昏。五月開紅白花。瓣上多有絲茸。實至秋作莢。子極薄。網。人家第宅園池間。皆宜植之。能令人消忿。冬月可以分栽。取葉搗爛絞汁。浣衣最能去垢。

葉

漆

漆一作生蜀漢江浙等處。木高二三丈。皮白。葉似椿。

花似槐。子若牛李。木心黃。可作杖。夏至後。以剛斧斫

其皮。將竹管承取其汁。用漆器具。甚妙。液若不取多自斃

柿

柿。朱果也。葉似山茶而厚大。四月開黃白小花。結實

青綠。九月微黃。即摘。少藏數日。即便紅熟。甜美可啖。

但未熟時。最澁。將木瓜三兩。枚雜於生柿籃中。數日

或以真置其中。亦能去澁。產青州者更佳。古云柿

有七絕。一樹多壽。二葉多陰。三無鳥巢。四少蟲蠹。五

霜葉可玩。六嘉實可餐。但不可與七落葉肥厚。可以

臨書。如冬間核種。待長移栽。不若春後用稗柿接。或

取好枝於輦棗根上接。更妙。大凡柿接三次過。則核

全無矣。蓋柿之種類不一。有红柿。烏柿。黃柿。牛奶。蒸

餅。八稜。方蒂。圓蓋。塔柿等名色。木有文而根最固。俗

謂之柿盤。別有一種稗柿。葉上有毛。實皆青黑。最不

堪食。止可收作柿漆。八月間用稗柿擣碎。每柿一升。

用水半升。釀四五時。搾取漆。令乾。添水再取。傘扇全

更一作最

葉

類此漆糊成也。

柳

柳一名官柳。一名垂柳。本性柔脆。北土最多。枝條長軟。葉青而狹長。初春生柔荑。粗如飯。長寸許。開黃花。鱗次莢上。甚細碎。以漸生葉。至暮春葉長成。花中結細子。如粟米大。扁小而黑。上帶白絮如絨。俗名柳絮。隨風飛舞。凡着毛衣。卽生蛀蟲。入池沼。卽化浮萍。此乃官柳也。若荒蕪成陰。長條數尺。或至丈餘。孃孃下垂者。此爲垂柳。雖無香艷。而微風搖蕩。每爲黃鸝鶯鶯語之鄉。吟蟬托息之所。人皆取以悅耳目。乃園林中必需之木也。種法。在臘月斫大幹。審其下焦而扞之。如劈開其皮。夾甘草一片入土。則不生蟲。壅土宜實。種後若不動搖。雖縱橫顛倒。插之盡活。乃最易生之物也。昔人因其花似絮。故有飛綿飛絮。寒無用。如雪如霜。暖不消之咏。

楊

楊有二種。白楊。葉芽時便有白毛。及盡展。似梨葉長而厚。面淡青而背白。蒂長兩兩相對。遇風則欹欹有

聲。人多植之墳墓間。高可十餘丈。又青楊。樹比白楊較小。葉似杏葉而稍長大。色青綠。本亦聳直。大槩柳枝長脆。葉然長。楊枝短硬。葉圓潤。柳性耐水。楊性宜旱。二木迥不相侔。何可因其並稱。而遂認爲一木耶。特表而出之。赤者近水生根。須可樹以護壩堤。

檉柳

檉柳。一名觀音柳。一名西河柳。幹不甚大。赤莖弱枝。葉細如絲縷。婀娜可愛。一年作三次花。花穗長二三寸。其色粉紅。形如蓼花。故又名三春柳。其花遇雨卽開。宜植之水邊池畔。若天將雨。檉先起以應之。又名雨師。葉經秋盡紅。負霜不落。春時杆挿易活。

橘 枳附

橘。一名木奴。大曰橘。小曰柚。多生南方暖地。木高一二丈。刺出莖間。葉冬不凋。初夏開小白花。其香甚觸。六七月成實。交冬黃熟。福橘大而紅。爲諸橘之最。溫帶者亦佳。其類甚多。韓彥直有橘譜可考。今錄其要。有朱橘。蜜橘。乳橘。芳榭橘。包橘。綿橘。沙橘。早黃。穿心。波斯。荔枝。脫花甜。凍橘。盧橘等。至如油橘。則最下之。

品也。春初取核撒地。待長三尺許移栽。宜於斥鹵之所。忌用猪糞。夏時澆以糞水。則葉茂而實繁。性畏霜雪。至冬以河泥犬糞壅其根。以爲來年之益。稻草裹其幹。則不凍死。若在閩粵則不然也。其木有二病。蘚與蠹是也。幹生苔蘚。須速刮去之。見蛀屑飄出。必有蟲穴。以鈎索之。再用杉木釘塞其孔。經云橘踰淮而爲枳。則枳卽橘之變種也。故其木與花葉皆類橘。惟所結子不同。橘有瓢可食。枳則皮粗厚。內實而不堪食。只可入藥用。其樹多刺。最宜編籬。凡遇旱。以米泔水澆。則實不損落。根下埋死鼠。則結實加倍。藏橘於綠豆內。至春盡不壞。橙柑亦然。若見糯米卽爛。

橙

橙。一名蜜橙。一名金毬。樹似橘而有刺。葉長有兩刻缺。如兩段者。實似橘而微大。經霜早黃。皮皺厚而甜。香氣馥郁。但瓢稍酸。人多以糖製。或蜜浸。其用甚廣。誠佳果也。一種香橙。似蜜橙。小而皮薄味酸。花皆類橘。葉亦有尖。一種懈橙。卽臭橙。比蜜橙皮鬆味辣。無所取用。蜀有給客橙。似橘而實非。若柚而獨香。冬夏

花鏡 卷三 三三
花實相繼，通歲得以食之，亦名盧橘。

金柑

金柑一名金橘。一名瑞金奴。生江浙川廣間。其樹不甚大而葉細。婆婆如黃楊。夏開小白花。秋冬實熟。則金黃色。大如指頭。或如彈丸。更有小如豆者。皆皮薄而堅。肌理瑩細。其味酸甜。而芳香可口。一種牛奶柑。形長如牛乳。但香味稍劣。又一種名金豆者。樹只尺許。結實如櫻桃大。皮光而味甜。植於盆內。冬月可觀。多產於江南太倉。與浙之寧波。又一種蜜羅柑。其大似香櫞。而皮皺。味更香美。生於浙之金衢。皆以四月前接

香櫞

香櫞。俗作圓一名枸櫞。本似橘而葉畧尖長。枝間有刺。花之色與香亦類橘。其實正黃色。有大小二種。皮光細而小者為香櫞。皮粗而大者為朱欒。香味不佳。惟香櫞清芬襲人。能為案頭數月清供。瓢可作湯。皮可作糖片。糖丁。葉可治病。其樹必待小鳥作巢後。方得開花結實。亦物類之感召也。下子亦易出。

佛手柑

花鏡

卷三

香櫞佛手

三四

佛手柑。一名飛穰。產閩廣間。樹似柑而葉尖長。枝間有刺。植之近水乃生。結實形如人手指。長有五六寸者。其皮生綠熟黃。色若橙而光澤。內肉白而無子。雖味短而香馥最久。置之室內。箇中其香不散。南人以此雕鏤花鳥。作蜜煎果食甚佳。

檳榔

檳榔。一名馬金南。生南海。今嶺外皆有。木大如桃榔。高五七丈。初生若竹竿。積硬引莖直上有節而無旁枝。柯條從心生。端頂有葉似芭蕉。條脉開破。風至則如羽扇。三月葉中腫起一房。因自拆裂出穗。凡數百實。其大如李。皆有皮殼。又生刺重累於下。以護其實。五月成熟。剝去其皮。煮肉曝乾。交廣人邂逅。設此代茶。食必以扶留藤。牡蠣灰。同咀嚼之。吐去紅水一口。則柔滑甘美不澀。又大腹子。即豬檳榔。形扁而味澀。必須蕒葉與蛤粉。卷和而食。

虎刺

虎刺。一名壽庭木。生於蘇杭蕭山。葉深綠而光。上有一小刺。夏開小白花。花開時子猶未落。花落後復結。

去一作出

熱

花鏡

卷三

三五

子紅如珊瑚。其子性堅。雖嚴冬厚雪不能敗。性畏日喜陰。本不易大。百年者止高二三尺。春初分栽。亦多不活。用山泥。忌糞水。并人口中熟氣相冲。宜澆梅水及冷茶。吳中每栽盆內。紅子纍纍以補冬景之不足。

蜜蒙花

蜜蒙花生益州及蜀之州郡。木高丈餘。葉似冬青而厚。背白色。有細毛。花微紫色。二三月採花暴乾。則味甘甜如蜜。其花一朶有數十房。蒙蒙然細碎。故有是名。

平地木

平地木高不盈尺。葉似桂深綠色。夏初開粉紅細花。結實似南天竹子。至冬大紅。子下綴可觀。其托根多在甌蘭之傍。虎茨之下。及巖壑幽深處。二三月分栽。乃點綴盆景必需之物也。

梔子花

梔子花一名越桃。一名林蘭。釋號簷蔔。小木也。有三種。單葉小花者結子多。千葉大花者不結子。色白而香烈。又有四季花者。亦不生山梔。徽州產一種矮樹。

花鏡

卷三 平地木

三六

梔子。高不盈尺。盆玩清香動人。夏花潔白而六出。秋實丹黃有稜。可染黃色。亦可入藥。昔孟昶十月宴芳林園。賞紅梔子花。清香如梅。近日罕見此種。冬初取子晒乾。來春畦種。覆以灰土。如種茄法。次年三月移栽。至四年即開花結實矣。又梅兩時。隨花剪扞肥地。亦活。若干葉者宜土壓。旁生小枝。久則根生。分栽自活。性不喜糞。惟以輕肥沃之自茂。若太肥又恐生白蟲。一法。芒種時穴一腐板泥塗。剪枝種其上。浮置水面。俟其根生後。移而種之。

石榴

石榴。一名丹若。一名金罌。又一種味最甜者名天漿。其種自安石國。張騫帶歸。今隨在有之。樹高一二丈。梗紅葉綠而狹長。其花單葉者結實。千葉者不結實。性宜沙石。枝柯附幹。自地便生作叢。孫枝甚多。種極易息。惟山種者實大而甘。千葉同膜。千子如一。花有數色。千葉大紅。千葉白。或黃或粉紅。又有並蒂花者。南中一種四季花者。春開夏實之後。深秋忽又大於花。與子竝生枝頭。碩果罅裂。而其傍紅英燦爛。併花

折挿瓶中豈非清供乎。又一種中心花瓣如起樓臺
 謂之重臺榴。花頭最大而色更紅艷。海榴花跗萼皆
 大紅。心內鬚黃如粟密。又有紅花白緣。白花紅緣者
 亦異品也。其實可禦饑渴。釀酒漿。解醒療病。栽以三
 月初。取嫩枝如拇指大者。斫令長一尺半。八九枝共
 爲一窠。燒下頭二寸許。不燒恐漏汁難活。掘圓坑深
 一尺七寸。口徑尺。豎於坑畔。環布枝令勻。正置枯骨
 礪石於枝間。骨石乃樹性所宜也下肥土築之一重。土間一重
 骨石至平次乃止。其土令沒枝頭過一寸許。水澆常
 令潤。則石已生芽。又將骨石布其根下。則柯圓枝茂
 可愛。其孤根獨立者。雖生亦不佳。十月終以蒭藁裹
 其本而纏之。不致凍壞。至二月初解放。若以大石壓
 其根上。則實繁而不落。性喜暖。雖酷暑烈日中。亦可
 澆以水糞。

火石榴

火石榴以其花赤如火而得名。究不外乎榴也。樹高
 不過一二尺。自能開花結實。以供盆玩。亦有粉紅純
 白者。皆可人目。若嫌其葉多花少。嘗摘去嫩頭。偏於

花鏡

卷三 火石榴

三十一

問

烈日中以肥水澆之。則花更茂。亦物性使然也。大抵盆種土少力薄。更不耐寒。逢冬必須收藏房簷之下。庶不凍壞。養盆榴法。無間寒暑。以肥為上。盛夏置之架上。或屋上。使不近地氣。則枝不大長。若蟻蚓作穴。用米泔水沉沒花盆。浸約半時。取出日晒。如土乾。又復浸之。則無矣。倘發莖太密。須掐去其半。則花開始有精神。結實不至半大便落。又有一種細葉柔條者。更佳。多產揚州。

棟

棟樹有二種。青皮棟。堅紉可為器具。其皮肉俱青色。火棟。性質輕脆。其皮肉皆紅。樹高一二丈。葉密如槐而尖。夏開花紅紫色。一蓓數朵。芬香滿庭。實如小鈴。生青熟黃。又名金鈴子。烏雀專喜食之。故有鳳凰非棟實不食之語。江南自春至夏。有二十四番花信風。梅花為首。棟花為終。實熟鳥不食者。俗名苦棟子也。木有雌雄。雄者根赤無子。

棗

棗一名木蜜。樹堅直而高大。身多刺而少橫枝。葉細

而有尖。四五月開小淡黃花。香味甚濃。北地最廣。而青。晉。絳州者更佳。今實之鮮者。通謂之白蒲棗。乾者。率自河南。山東。北直。諸處產。而青州樂氏棗爲最。浙之金衢。紹。出南棗。獨浦江者。甘膩似蜜雲棗。而形長大。蜜雲雖小而核細。肉甜。羊棗實圓而紫黑色。江寧。窑坊棗與膠棗。無皮核。而人多重之。又東海有棗。五年一實。棗類甚多。不能詳載。其實未熟。雖擊不落。已熟。不擊自落。凡種擇鮮棗之味美者。交春種下。候葉一生。即便移栽。三步植一株。行欲相當。地不必耕也。每蠶入簇時。以杖擊其枝間。使振去狂花。則結實繁。而且大。又於白露日。根下遍堆草。焚之。以辟露氣。使不至於乾落。至正月初一早。以斧背斑駁槌之。名曰嫁棗。本年必花盛而實繁。俗云。移棗樹三年不發。不筭死。亦有久而復生者。又東海之中。有水赤棗。華而不實。

椿 附標

椿。俗名香椿。樹高聳而枝葉疎。無花而不結莢者是也。其根上孫枝。春秋二分日。移植卽活。其嫩葉初放

時土人摘以佐庖。點茶香美絕倫。一種似椿而葉臭。有花而結莢者。俗呼爲臭椿。是樛非椿也。江東人呼爲虎目。葉脫處有痕相似也。

楓

榭一名彙香木也。其樹最高大似白楊。而堅可作棟梁之材。葉小有三尖角。枝弱善搖。二月開白花。旋即着實圓如龍眼。上有芒刺。不但不可食。且不中看。惟焚作香。其脂名白膠香。一經霜後。葉盡皆赤。故名丹楓。秋色之最佳者。漢時殿前皆植楓。故人號帝居爲楓宸。一云楓脂入地千年。卽成琥珀。又有一種小樹。樹高止尺許。老幹可作盆玩。

楮

楮一名穀樹。有二種。一雄皮斑而葉無極叉。三月開花。卽成長穗。似柳花而無實。一雌皮白。中有白汁如乳。葉有極叉。似蒲萄。開碎花。結實紅似楊梅。但無核。而不堪食。皮可作紙。汁可克膠。十二月內。將子淘晒。過種。卽生。亦可佐服食。

梧桐

梧桐一名青桐。一名櫨木。無節而直生。理細而性緊。皮青如翠。葉缺如花。妍雅華淨。新發時賞心悅目。人家軒齋多植之。四月開花嫩黃。小如棗花。墜下如醜。五六月結子。莢長三寸許。五稜合成。老則開裂如箕。名曰橐鄂子。綴其上。多者五六。少者二三大如黃豆。雲南者更大。皮乾則皺而黃。其仁肥嫩而香。可生噉。亦可炒食。點茶。此木能知歲時。清明後桐始華。桐不華。歲必大寒。立秋是何時。至期一葉先墜。故有梧桐一葉落。天下盡知秋之句。每枝生十二葉。一邊六葉。從下數。一葉為一月。有閏則十三葉。視葉小處。即知閏何月也。二三月畦種。如種葵法。稍長。移種背陰處。方盛。地喜實。不喜鬆。凡生岩石上。或寺旁。時聞鐘磬聲者。採東南大枝為琴瑟。音極清麗。別有白桐。油桐。海桐。刺桐。頰桐。紫桐之異。惟梧桐世人皆尚之。又一種最小者。因取其婆娑暢茂。堪克盆玩。

楊梅

楊梅一名杔。音求為吳越佳果。樹若荔枝。而小。葉細陰厚。至冬不凋。隔年開花。結實如穀。樹子而有核與仁。

生青熟紅如鶴鳩狀亦有紫白色者肉在核上無皮
 殼而有仁可食。以柿漆拌核暴之則自裂仁出大畧生太湖杭紹諸
 山者實大肉鬆核小而味甘美餘雖有實小而酢止
 堪鹽淹蜜漬火薰而已種法六月間將子於糞坑內
 浸過收盒待來年二月以青石屑拌黃土鋤地種之
 待長尺許於次年三月移栽澆以羊糞水自盛四年
 後取別樹生子好枝接之復栽山黃泥地移時根下
 須多留宿土臘月開溝於根旁高處離四五尺以灰
 糞壅之不可着根每遇雨肥水滲下則結實必大而
 甜若以桑樹接楊梅則不酸如樹生癩以甘草削釘
 釘之即愈春分前海桐可接

橄欖

橄欖一名南威一名味諫俗呼青果生嶺南及閩廣
 諸州郡有五種丁香欖故欖蠻欖絲欖新婦欖樹似
 木槎聳直而枝高其大有數圍者春開花似樗其香
 甚甜美實長寸許其形如梭而兩頭銳核內無仁而
 有三竅深秋方熟入口雖酢後漸清芬勝於雞舌香
 凡實先生者向下後生者漸高有樹大不可梯者將

如一作似

熟時以木釘釘之。或於根旁刻一方寸坎。納鹽其中。一夕後實皆自落。木亦無損。其尖而香者。名丁香橄欖。最為珍品。圓而大者。俗名柴橄欖。初食之甚澁。殆咀嚼久之。隨飲以水。回味自甘。煮食可解酒毒。置湯中。可以代茶。鹽淹蜜漬皆宜。又廣西出方橄欖。有三角。邕州者。色類相似。但核作兩瓣之異耳。

荔枝

五六丈者。其形圓圓。一名離枝。為南方珍果。嶺南蜀中俱

惟葢葉似冬青花。如橘枳。又若冠之。糝綴朶如蒲葇。結實多雙。核類枇杷而尖長。殼如紅縐。膜如紫綃。肉如白肪。甘如醴酪。花於春末。實於夏中。其木堅久。其根多浮。須常加糞壤以培之。但性不耐寒。最難培植。經經繁霜。枝葉立萎。必待三春再發。初種五六年。交冬便須覆葢。直至四五十年。始開花結實。有四百餘年。老幹猶能結實。亦異品也。每逢夏至將中。其實翕然俱赤。採食味甘。多汁而香。大樹下子可百斛。妙在人未採時。百蟲不敢食。一經染指。鳥雀蝙蝠之類。俱

熟時以木釘釘之。或於根旁刻一方寸坎。納鹽其中。一夕後實皆自落。木亦無損。其尖而香者。名丁香橄欖。最爲珍品。圓而大者。俗名柴橄欖。初食之甚澁。殆咀嚼久之。隨飲以水。回味自甘。煮食可解酒毒。置湯中。可以代茶。鹽淹蜜漬皆宜。又廣西出方橄欖。有三角。邕州者。色類相似。但核作兩瓣之異耳。

荔枝

荔枝一名丹荔。一名離枝。爲南方珍果。嶺南蜀中俱產。惟閩中爲第一。樹有高至五六丈者。熟以甘草。惟葢葉似冬青花。如橘枳。又若冠之。緋綴朶如蒲葢。結實多雙。核類枇杷而尖長。殼如紅縐。膜如紫綃。肉如白肪。甘如醴酪。花於春末。實於夏中。其木堅久。其根多浮。須常加糞壤以培之。但性不耐寒。最難培植。纏經繁霜。枝葉立萎。必待三春再發。初種五六年。交冬便須覆葢。直至四五十年。始開花結實。有四百餘年。老幹猶能結實。亦異品也。每逢夏至將中。其實翕然俱赤。採食味甘。多汁而香。大樹下子可百斛。妙在人未採時。百蟲不敢食。一經染指。鳥雀蝙蝠之類。俱

來傷殘。熟時必趁日中。併手採摘。此果若離本枝。一日色變。二日香減。三日味變。四日外色香味皆盡矣。非惟北地不可得。即江浙亦未之見也。然其名色荔枝譜載之甚詳。茲畧舉蔡君謨之大槩而錄之。總由愛其實。而摹擬其色香味。與地上形狀姓氏。而巧為名之耳。多食病熱。以蜜解之。

附荔枝釋名 共七十五種

諸色荔枝

狀元紅 實圓而小核細 大將軍 五代時有此因種

一品紅 產福州堂前 玳瑁紅 色紅有黑點類

陳紫 出著作郎陳琦家 方紅 徑可二寸色味俱美

藍家紅 泉州第一品出 法石白 出法石院色白

江綠 類陳紫差大而香 周家紅 初為第一今重陳

大丁香 殼厚色紫味微 龍牙 長可三四寸灣曲如

宋公荔枝 比陳紫而小 十八娘 色深紅而細長闊

珍珠荔枝 圓白如珠無 火山荔枝 出南越四月熟

蒲萄荔枝 每一穗多至 粉紅荔枝 荔枝本深紅此

蜜荔枝 因其過於甘香 圓丁香 他種殼下大上鏡

水荔枝 漿雖多而味不 大小陳紫 一種大過陳紫

綠葉香 皮色綠而雜以 虎皮荔枝 斑類虎皮

牛心 此以狀名長二 釵頭顆 類最小而紅艷

蚶殼 是以狀 秋元紅 實時最晚 游家紫 出泉州

何家紅 漳州 綠核 荔枝核皆紫 蕙團 每朵數十

朱柿 形似朱 硫黃 以其色類硫 學士緋 實色最

水晶國 肉似 楓亭驛 出典化肉 焦核 因其核最細

六月蜜 取六月 七夕紅 因其七月 中秋綠 因其熟也

皺玉 肉微有 星毬紅 實圓有 綠羅袍 雖成熱色

天茄子 茄色如 麝香匣 其香微有 松柏壘 其形有類

金鐘 金糴 紫瑤 蒺藜 延壽紅 皆取其色

駝蹄 饅頭 蛇皮 雙髻 僧耆頭 形相似

脆玉 栗玉 玉英 郎官紅 水母 肉以上取

沉香 壽香 透背 中半熟 此種取 百步蘭 以上

取其香 進鳳子 爭龍瓶 犀角子 不憶子


大蠟 小蠟 雞每引子 狎狗 亦取其

龍眼 龍眼 一名益智 一名比目 一名海珠 藜樹似荔枝而

栗

櫻

母



葉幹差小。凌冬不凋。其枝蔓延。緣木而生。春末開細
白花。結實圓如彈。而殼青黃。核如木椀子。而不堅肉
白。有漿。其甘如蜜。一朶四五十顆。作穗。若蒲萄然。其
性畏寒。白露後方可摘。荔枝有後方熟。故俗呼爲荔
奴。又因其色香味。皆不及荔枝。故稱爲奴。在食品。則
荔枝肉厚漿多而香。因可人口。特珍異之。若論益人。
則龍眼功用良多。荔枝性熱。而龍眼性最和平。宜與
荔枝比肩。烏得而奴隸之耶。

黃楊木

黃楊木。樹小而肌極堅細。枝叢而葉繁。四季長青。每
歲止長一寸。不溢分毫。至閏年反縮一寸。昔東坡有
詩云。園中草木春無數。惟有黃楊尺閏年。因其難大。
人多以之作盆玩。

柳

柳。出海南。今嶺南亦有之。葉如棕櫚。樹高六七餘丈。
亦無枝條。葉在木末如束蒲。實生葉間。一穗數枝。大
如寒瓜。皮中子殼。可爲飲器。鋸開子中白瓤。厚有半
寸。味似胡桃。極肥美。有漿。飲之輒醉。初極清芬。久之

枚 棕

則渾濁不堪飲矣。人皆取其殼作瓢能解水與酒毒。如酒有毒則酒滾沸而起。今人反漆其裏。是失本旨矣。

椒

椒一名蔞藪。一名漢椒。有秦蜀二種。今處處有之。惟蜀產者香烈。木高四五尺。似茱萸而小。本有針刺。葉堅而滑。味亦辛香。蜀人取嫩芽作茶。其葉對生。尖而有刺。四五月結子。枝葉間如小豆而圓。生青熟紅。皮皺肉厚。內有小黑子突出。如人之瞳子。故有椒目之稱。喜陰惡糞。宜壅河泥。又一種胡椒。生於西戎。北人食物中多尚之。廣東一種小椒。係蔓生。其辣味與樹椒同。

茱萸

茱萸隨處皆生。木高丈餘。皮青綠色。葉似椿而潤厚。色青紫。莖間有刺。三月開紅紫細花。其實結於枝梢。繁繁成簇。而無核。嫩時微黃。至熟則深紫。味辛辣如椒。并側河邊宜植此樹。葉落其中。人飲是水。永無瘟疫。懸子於屋能辟鬼魅。九月九日折茱萸戴首。可辟

惡氣除鬼魅

銀杏

銀杏一名鴨脚子

以其葉似鴨脚也

多生南浙木最耐久高

十餘丈大可數圍其肌理甚細可為器具梁棟之用

又名公孫樹言公種而孫始得食也緣其子白俗呼

為白果其花夜開即落人罕見之實大如枇杷每枝

約有百十顆初青後黃八九月熟後打下堆積空處

待其皮自腐爛方取其核洗淨曝乾核形兩頭尖扁

而中圓或炒或煮而食俱可春初種肥地週年後方

可移栽其核有雌雄雌者兩稜雄者三稜須雌雄同

種方肯結實或將雌樹臨水種之照影亦結或將雌

樹鑿一孔以雄木填入泥封之亦結大約接過易生

實熟時以竹篾纏樹本但擊篾則果自落雖為佳果

可以療病究竟不可多食食多動風惟舉子廷試煮

食能截小水如食多誤中其毒一時腹內痛脹連飲

冷白酒幾盃一吐即愈

胡桃

胡桃一名羌桃一名萬歲子樹高數丈葉翠似梧桐

花鏡

卷三 胡桃

四九

脹疾本

兩兩相對而長。且厚而多陰。三月開花如栗花。穗蒼
黃色。實似青桃。有二種。殼薄多肉易碎者。名胡桃。產
荆襄。殼堅厚。須重槌乃破者。名山核桃。產燕齊。採用
先剖去青皮。乃得核桃。核內有白肉。形如猪腦。外有
黃膜微澁。須湯泡去之。可食。然其性熱。只宜少食。下
種。必擇其佳者。殼光紋淺體重之核。平埋上中。即能
發芽。若以尖縫向上。則水浸其仁。多不能活。春斫
皮中出汁。婦女承取沫頭。則髮黑。又將核入火中燒
半紅。埋灰中作火種。經三四日不動。亦不燼。

壞

六月雪

六月雪。一名悉茗。亦名素馨。六月開細白花。樹最小
而枝葉扶疎。大有逸致。可作盆玩。喜清陰。畏太陽。深
山叢木之下多有之。春間分種。或黃梅雨時扦插。宜
澆殘茶。

茶

茶。一名薺。音喘早採爲茶。晚採爲茗。其葉以穀雨前採
者爲貴。花色月白而心黃。清香隱然。瓶之高齋。誠爲
雅供。且蓋在枝間者。逐一皆開。性畏水與日。不澆肥

擇

聞

者。茶更香美。其所產之地殊多。但不宜於北。今就最著名者而衡之。松羅。伏龍。天池。陽羨等類。色翠而香遠。芥片產吳興。是茶而實非茶種。皆為江浙第一。如虎丘。龍井。又為吳下第一。惜不多產。至於荆溪。武夷。稍下。六安可入藥。而香味不及。天目。徑山。次之。此外所產。只可供本土之用爾。藏茶須用錫瓶。則茶之色香。雖經年如故。近日閩茶。以松羅雜真珠蘭焙過。而香更烈者。終不若天然香味之足貴也。但茶性甚淫。梅花。茉莉。玫瑰。木樨。隨伴隨染其香矣。

枳椇

枳椇。一名木蜜。一名雞距子。樹高三四丈。葉圓大如桑柘。枝柯不甚直。子着枝端。夏月開花。實長寸許。紐曲開作二三歧。形若雞之足距。嫩時青色。經霜乃黃。味甘如蜜。嫩葉生啖亦甜。老枝細破。煎汁成蜜。倍甜。能止渴解煩。但敗酒味。若以此木為柱。則屋中之酒必薄。每實開岐盡處。結一二小子。內有扁核。色赤如酸棗仁。飛鳥喜巢其上。

槐

槐一名榲。一名盤槐。一名守宮槐。樹高大而質鬆脆。葉細如豆瓣。季春之初。五日如兔目。十日如鼠耳。更旬始規。二旬葉成。扶疎可觀。花淡黃而形彎轉。在秋初時開。故有槐花黃。舉子忙之諺。人多庭前植之。一取其蔭。一取三槐吉兆。期許子孫三公之意。花可染色。結實至明年春暮方落。落即自生小槐。榲槐葉大而色黑。本如棠。盤槐。膚理葉色俱與槐同。獨枝從頂生。皆下垂。盤結蒙密如涼傘。性亦難長。歷百年者高不盈丈。或植廳署前。或種高阜處。甚有古致。守宮槐幹弱花紫。晝聶夜炆。又俗名猪屎槐者。材不堪用。種法。收子晒乾。夏至前以水浸生芽。和蒜子撒肥地。當年即與蔴齊。刈蔴留槐。別樹竹竿。以繩攔定。來年復種蔴護之。三年後方可移栽。老槐經秋可取火。

紫薇

紫薇一名百日紅。其花紅紫之外。有白者曰銀薇。又有紫帶藍色者曰翠薇。俗呼為怕癢樹。其木光滑無皮。人若搔之。則枝幹無風而自動。亦其性使然也。葉對生。一枚數穎。一穎數花。六月始花。其蓋開謝相接。

續。可至九月。約有百日之紅。其性喜陰。宜栽於叢林之間。不蔽雨露處自茂。根旁小本。分種易活。

白菱

白菱葉似梔子。花如千瓣菱花。一枝一花。葉托花朵。七八月間發花。其花垂條。色白如玉。綽約可人。亦接種也。

木槿

木槿。一名舜英。一名玉蒸。又名日給。愛老。重臺。花上花。諸名目。惟千葉白。與紫。大紅粉紅者佳。葉繁密如

桑而小。花形差小於蜀葵。朝榮夕隕。遠望可觀。若學葉柔條。五瓣成一花者。乃籬槿也。止堪編籬。花之最下者。南海有朱槿。但不易得耳。在春初扦插。以河泥壅之。即活。若欲扦插。須一連插去。不可住手。如斷續插。生後雖盛。亦必斷而不接也。其嫩葉。可代茶飲。

桂

桂。一名稜。一名木樨。一名巖桂。葉對生。豐厚而硬。凌寒不凋。枝條繁密。木無直體。花甚香甜。小而四出。或有重臺。亦不易得其種。不一。白名銀桂。黃名金桂。能


燭

謝

著子紅名丹桂不甚香。又有四季桂。月桂。園中最多。葉如鋸齒而紋粗。花繁而香濃者。俗呼毬子木。樺花時凡三放。為桂中第一。澆以猪穢則茂。壅以二蠶沙則肥。但不宜糞。而喜河泥。若移栽。須擇高阜。半日半陰處。以臘雪高擁其根。則來年不灌自茂。冬月以猪猪湯澆一次。尤妙。如木生蛀。取芝蔴梗懸之樹間。能殺諸蟲。一云木樺接於石榴樹上。其花即成丹桂花。榭後摘去其蒂。亦如鳳仙。可發二次。屈其條壓土中。良久自能生根。一年後截斷。八月含蕊時移種。若以冬青樹接亦可。花以鹽滷浸之。經年色香自在。以糖搗作餅。點茶香美。

皂莢

皂莢一名皂角。所在有之。樹最高大。葉如槐而尖。細枝多刺。夏開小黃花。結實有三種。小而尖者名猪牙。長而肥厚多脂者可用。長而瘦薄不粘者劣。初生時嫩芽可茹。莢老可入藥。二三月宜種。如樹大不結莢。當於南北二面。去地鑽孔。用木釘釘入。泥封其孔。來年即結。



櫻櫚

櫻櫚一名鬣葵。木高數丈。直無旁枝。葉如車輪。叢生木杪。有粽皮包於木上。二旬一剝。轉復上生。三月間。木端發數黃苞。苞中細子成列。卽花。穗亦黃白色。結實大如豆而堅。生黃熟黑。每一墮地。卽生小樹。宜植庄園之內。性喜鬆土。或鳥雀食子。遺糞於地。亦能生苗。秋分移栽。先掘地作坑。用狗糞鋪坑底。再以肥土蓋之。初種月餘。以河水間日一澆。後此隨便可也。至其粽之爲用。織衣帽褥椅之類甚廣。再製爲繩索。縛花枝。紫屏架。雖經雨雪。耐久不爛。園圃中極當多植。數本者。

粽

鋪

粽綺縛

紅豆樹出嶺南。枝葉似槐。而材可作琵琶槽。秋間發花。一穗十蓋。纍纍下垂。其色妍如桃杏。結實似細皂角。來春三月。則莢枯子老。內生小豆。鮮紅堅實。永久不壞。市人取歟。或貯銀囊。俗皆用以爲吉利之物。又有一種。半截紅。半截黑者。名相楔子。土人多採以爲婦人首飾。

紅豆樹

嵌

紅豆樹出嶺南。枝葉似槐。而材可作琵琶槽。秋間發花。一穗十蓋。纍纍下垂。其色妍如桃杏。結實似細皂角。來春三月。則莢枯子老。內生小豆。鮮紅堅實。永久不壞。市人取歟。或貯銀囊。俗皆用以爲吉利之物。又有一種。半截紅。半截黑者。名相楔子。土人多採以爲婦人首飾。

花鏡

卷三 紅豆

五十五

無花果

無花果一名優曇鉢一名映日果一名蜜果樹似胡桃三月發葉似楮子生葉間五月內不花而實狀如木饅頭生青熟紫味如柿而無核植之其利有七一味甘可口老人小兒食之有益無損二曝乾與柿餅無異可供邊實三立秋至霜降取次成熟可為三月之需四種樹取効最速桃李亦須三四年後結實此果截取大枝扦插本年即可結實次年便能成樹五葉為醫痔勝藥六霜降後如有未成熟者可收作糖蜜煎果七得土即活隨地廣植多貯其實以備歉歲種法在春分前取三尺長條插土中澆以糞水若生葉後惟澆清水結果後更不可缺水常置甌其側出以細雷日夜不絕實大如甌

枇杷

枇杷一名盧橘樹高一二丈葉似琵琶又如驢耳背有淡黃毛枝葉婆婆凌冬不凋秋發細莖成毬冬開白花來春結子簇結作球微有毛如鶯黃小李至夏成熟滿樹皆金其味甘美收核種之即出待長移栽

春月用本色肥枝接過則實大而核小。若再接再一次則無核矣。性不喜糞。但以淋過淡灰壅之。自能榮茂。果木中獨備四時之氣者。惟枇杷。核能去微垢。

栗

櫟而

栗產濮陽。范陽。兗州。而宣州。杭州者更佳。樹似櫟。而花色青黃。與他花特異。枝間綴花長二三寸許。有似胡桃。人俟其落時收之。點火風雨不滅。結實如毬。外有芒刺。內有栗房。一包三五枚。熟則罅折子出。如欲乾收。或曝。或懸迎風處。若欲生收藏之。潤沙中。至春

渣

三四月尚如新摘者。冬末春初。將子埋濕土中。種向陽地。待生長六尺餘。方可移栽。春分時取櫟樹。或本樹生子肥大者。接之。亦可。栗生數年。不可掌近。凡屬新栽樹。皆然。而栗尤甚。十月天寒。以草包之。二月方解。或云。與橄欖同食。能作梅花香味。而橄欖無渣。

榛

榛生關中。鄜坊。山東等處。樹似梓。而高丈餘。葉色如牛李。冬發花。春結實。外殼堅。內肉香。狀如小栗。其核中悉如李。生則胡桃味。乾則甜美可食。產遼東。新羅

者更肥美。栽種法與栗同。

榧

榧一名椴子。一名玉榧。俗呼赤果。產自永昌。杭州者不及信州玉山之佳。葉似杉而異形。其材文彩而堅。本大連抱。高有數仞。古稱文木。堪爲器用。樹有牝牡。牡者開花而牝者結實。理有相感。不可致詰也。冬日開黃圓花。其實有皮殼。如棗而尖短。去皮殼。可以生食。若火焙過。便能久藏。食更香美。大槩以細長而心實者爲佳。一樹可得數十斛。二月下子種。

木蘭

木蘭一名木蓮。一名杜蘭。生零陵山谷。及泰山上。狀如楠樹。高數丈。枝葉扶蘇。皮似桂而香。葉似長生。有三道縱紋。花似辛夷。內白外紫。亦有紅黃白數種。交冬則榮。亦有四季開者。實如小柿。甘美可食。

茶梅花

茶梅。非梅花也。因其開於冬月。正衆芳凋謝之候。若無此花。點綴一二。則子月幾虛度矣。其葉似山茶而小花如鵝眼錢。而色粉紅。心深黃。亦有白花者。開最

耐久望之雅素可人。

天仙果

天仙果。出自四川。樹高八九尺。葉似荔枝而小。不開
花而自實。纍纍枝間。子如櫻桃。六七月中熟。其味最
甜美。

古度子

古度子。出自交廣諸州。本與葉似栗。不開花而實。枝
間生子。大如安石榴。及楤子而色赤。味酸。煮以爲糲
食之。若遲數日不煮。則化作飛蟻。穿皮飛去矣。此益
無情化有情之一驗也。

攀枝花

攀枝花。一名木綿。產於南越。樹類梧桐。高四五丈。葉
類桃而稍大。花似山茶。開時殷紅如錦。結實大如酒
杯。絮吐於口。卽攀枝花。土人取其實中絮。舖褥甚軟
美。但不可作綿線。若樹上有取不盡者。猶如柳絮。卽
飛揚四散矣。

相

相。一名烏相。一名柜柳。出浙東江西。樹最高大。葉如

杏而薄小。淡綠色。可以染皂。花黃白。子黑色。可以取臘為燭。其子中細核可榨取油。止可燃燈油傘。不可食。食則令人吐瀉。木必接過方結子。不接者。雖結不多。秋晚葉紅。可觀。亦秋色之不可少者。

石楠

石楠。昔楊妃名為端正木。南北皆有之。樹大而婆娑。其質甚堅。葉如枇杷。有小刺而背無毛。名曰鬼目。春盡開白花成簇。秋結細紅實。冬有二葉。為花苞。苞既開。中有十五餘花。大小如椿花。其細碎。每一包約彈

甚

末蕊

子大而成毬。一花六葉。一朵有七八毬。淡白綠色。葉本微淡赤色。花既開。盡滿花。但見葉。不見花。花纔罷。隔年綠葉始落。漸生新葉。綠葉密多。蔭人皆移植庭院間。清明時紅葉墮地。小兒拾為冠帶嬉戲。蜀中一種最大者。可數十圍。中梁柱之用。小者為梳。最精。

鐵樹

鐵樹。葉類石楠。質理細厚。幹葉皆紫黑色。花紫白。如瑞香。四瓣較少。團。一開累月不凋。嗅之。乃有草氣。因憶古人嘗見事或難成。便云除須鐵樹開花。疑無是


除惡徐

小

花鏡

卷三 鐵樹

六



樹。及至馴象衛。殷指揮園中。見有此樹。高可三四尺。詢其名。則曰鐵樹。每遇丁卯年便放花。其年果花。移置堂上。治酒歡飲。作詩稱賀。若非到此目睹。則安知真有是木耶。及聞海南人言。此樹黎州極多。有一二尺長者。葉密而花紅。樹儼類鐵。其枝極穿結。甚有畫意。盆玩最佳。但人所罕見。故稱奇耳。五臺山有鐵樹。每年六月開花。

冬青

冬青。一名萬年枝。樹似枸骨。枝幹疎勁。葉綠而亮。隆冬不枯。可以染緋。庄園徑路。多排直而種。號曰冬牆。



夏開小白花。而氣味不佳。花含蕊必雨。花落後必晴。結子圓而青。名曰女貞實。可以釀酒。子墜地即生苗。移植易活。欲其茂盛。須用猪糞壅。再以猪溺澆。雖至彫瘁復榮。一種細葉冬青。枝條細軟。乘小時種傍籬邊。用以密編。可蔽籬眼。堅久如壁。又一種水冬青。葉細而嫩。利於養蠟子。取白蠟。宋徽宗試畫院諸生。以萬年枝上太平雀爲題。無一知者。及扣之。冬青也。洪武時。杭城各街市。比屋植冬青。亦取吉祥之意。

榆

特1
1717

榆類種多。葉皆相似。但皮及木理有異。刺榆如柘有刺。其葉如榆。嫩時瀹爲蔬羹。滑於白榆。初春先生莢。名曰榆錢。最可觀。亦可作羹。至冬實老。可釀酒。亦可作醬。荒歲其皮磨爲粉。可食。亦可和香末作糊。榆麵如膠。用粘瓦石。極有力。

榆類種多。葉皆相似。但皮及木理有異。刺榆如柘有刺。其葉如榆。嫩時瀹爲蔬羹。滑於白榆。初春先生莢。名曰榆錢。最可觀。亦可作羹。至冬實老。可釀酒。亦可作醬。荒歲其皮磨爲粉。可食。亦可和香末作糊。榆麵如膠。用粘瓦石。極有力。



国立国会図書館 タイトル『祕傳花鏡6巻』 請求記号 特1-1717

ガラス使用